

Nr 77

Stáhtaráđi ásahus**boazodoalu ja luondduealáhúsaid ruhtadandoarjagis addojun stáhtaráđi ásahusa 27 §
rievdadeamis**

Addojuvvon Helssegis ođđajagimánu 26 beaivve 2006

Stáhtaráđi mearrádusa mielde, mii lea dahkkon eanan- ja meahccedoalloministeriija ovdanbuktojumis,

rievdaduvvo boazodoalu ja luondduealáhúsaid ruhtadandoarjagis guovvamánu 22 beaivve 2001 addojun stáhtaráđi ásahusa (175/2001) 27 § čuovvovaččat:

27 §

Dállodoalu álggaheapmi

Doarjaga juolludaneaktun lea, ahte ohcci mañimusat jahkebeali sisa boazo- dehe luondduealáhúsdálu dehe dan oasi hálddašeami sirdimis lea bargagohtán iežas namii dálus boazodoaluin dehe luondduealáhusaiguin. Go hálddašeapmi sirdása muttuid mielde, de gehččojuvvo dállodoallu álggahuvvon dalle go dálu váldooassi lea sirdásan hálddašeapmái.

Álggahandoarjaga juolludaneaktun lea, ahte dállodoalu álggaheami čuovvovaš guovtti jagi mañnel ealloboazomearri galgá leat unnimusat bealnot geardde stuorit ovddit dállodoalu álggaheami ektui, vuhtii válddeittiin goitge eanan- ja meahccedoalloministeriija boazodoallolága (848/1990) 21 § vuodul nannejuvvon stuorimus lobálaš oso-

lašguovdasaš boazomearit. Dállodoalu álggaheamis čuovvovaš guovtti jagi mañnel boazomearri galgá leat goitge unnimusat 80.

Álggahandoarjja eará luonddu-ealáhúsain go boazodoaluin bargama vuodul sáhtttá juolluduvvot, jos ealáhusbargi dietnasat luondduealáhúsain leat ovdal álggaheami leamaš vuollel 5 900 euro. Golmma čuovvovaš kaleanddarjagi áigge álggahandoarjaga juolludeami mañnel doarjaga máksineaktun lea ahte 4 §:s oaivvilduvvon ollesdietnasat leat unnimusat 8 300 euro. Álggahandoarjja ii lohkojuvvo mielde ovdalis máinnašuvvon dietnasiidda.

Doarjja ii sáhte juolluduvvot olbmui, geasa lea juo ovdal juolluduvvon vástideaddji doarjja dállodoalu álggaheapmái.

Dát ásahus boahtá fápmui guovvamánu 1 beaivve 2006.

Helssegis ođđajagimánu 26 beaivve 2006

Eana- ja meahccedoalloministar *Juha Korkeaoja*

Ráđdehusčálli Jukka Mirvo